

Broj: 05-15-200/14

Sarajevo, 03.02.2014.godine

PREDMET: Evidentiranje prometa putem fiskalnog uređaja za djelatnosti pružanja smještaja te pripreme i usluživanja hrane (hotelijerstvo i ugostiteljstvo)

Prema odredbi člana 4. Zakona o fiskalnim sistemima („Službene novine Federacije BiH“, br. 81/09) obaveza je evidentiranja svakog pojedinačno ostvarenog prometa putem fiskalnih uređaja, za svako lice koje je upisano u odgovarajući registar za promet dobara, odnosno za pružanje usluga klijentima.

Shodno tome obaveza je evidentiranja prometa u momentu njegovog nastanka, te je za svaki ostvareni promet potrebno izdati i fiskalni račun.

Pravna lica koja su registrovana za djelatnost pružanja smještaja, kao što su hoteli, hosteli, moteli i sličan smještaj, koji pored usluga smještaja gostima pružaju i dopunske usluge kao što su usluge hrane i piće i dr. (noćenje s doručkom, polupansion, pansion i dr., kao i organizovane skupine gostiju i sl.), promet koji ostvaruju mogu evidentirati izdavanjem fiskalnog računa po odjavljivanju gosta iz hotela, jer je promet u ovom slučaju konačan po odjavljivanju gosta iz hotela ako se tada i vrši plaćanje, sa navođenjem svih usluga i roba po osnovu kojih je ostvaren promet za tog gosta, bez obaveze izdavanja pojedinačnih fiskalnih računa za istog gosta. Naime, ova pravna lica ukoliko pružaju i usluge posluživanja hrane i pića namijenjena direktnoj potrošnji, odnosno konzumaciji na licu mjesta gostima koji nisu gosti hotela, već samo restorana, gdje vrlo često jedan klijent ostvaruje više pojedinačnih naručivanja, za ove eksterne goste za svako pojedinačno naručivanje se može izdati fiskalni račun ili se zbog specifičnosti poslovanja u slučaju može izdati jedan zbirni fiskalni račun nakon što gost završi sa korištenjem usluga ugostiteljskog objekta, prilikom plaćanja, na kojem bi bili iskazani svi pojedinačni naručeni artikli jednog gosta.

S druge strane, obveznici fiskalizacije koji su registrovani za obavljanje djelatnosti pripreme i posluživanja hrane i pića namijenjenoj direktnoj potrošnji, odnosno konzumaciji na licu mjesta, koji nisu registrovani za pružanje usluga smještaja nastali promet obavezni su evidentirati izdavanjem fiskalnog računa za svaki pojedinačno naručeni artikal. S tim u vezi, ovi obveznici dužni su postupati u skladu sa ovim stavom.

Također, u skladu sa stavom Federalnog ministarstva finansija – financija, broj: 05-15-7343/11 od 26.09.2011. godine, u objektu obveznika nije dozvoljeno posjedovanje bilo kakvog drugog uređaja koji nije fiskalni uređaj, kao i izdavanje bilo kakvih drugih računa, narudžbi i sličnih nefiskalnih dokumenata, osim fiskalnih računa.

S poštovanjem,

MINISTAR

Ante Krajina